



08381

農丈人詩集卷之五

目錄

瑶池曲三章壽雲間陸大參母夫人

寄贈錢汝瞻侍御

集張司馬公山亭

送沈嘉則

汪惟一携尊落石

吳仲實邀同水竹塢

吳伯舉酌溪上

農丈人詩集目錄卷五

谿園同吳仲足賦

注長文袁穉章集小樓分得雲字

過錫山悼友人陳貞父

餞別肩吾郊外不至詩以速之


集屠田叔霞爽閣餞肩吾

翁令公邀集陸園賦謝

張孺覺邀同陸啟原陪翁令公於肅園園

即孺覺尊人司馬公所遺搆孺覺加闢

焉余於司馬公稱門下士故多感舊之





語云

屠緯真邀翁令公集娑羅園緯真好道得  
稱飛瓊

陸敬原邀陪翁令公於湖樓是日雨即事  
陸園奉邀翁令公同諸君即席賦

楊叔向邀陪翁令公於樗園分得濛字

張大司馬席上留別二首

李賓甫招游蕭臯二首

送李道甫僉憲山東

曹震文人詩集

目錄卷五

二

裴太僕省親歸臨汀賦贈

汪長文治具湖堂對菊

全屠由叔李之文林道卿集楊叔向樗園

燕坐偶成寄文融

小憩天童禪院

越州推府陳思進按行明州海上諸邑歌

五章

沈嘉則客海陵於高生之往也作絕句寄

馬凡五首

傅御史行

有序

維揚送彭郡博之官

贈開府中丞劉公

贈門人郝謙伯孝廉

陸啟原叅知邀集湖樓

贈江都陸無從

留別社中諸友得斜字二首

東歸舟中寄懷周國雍四首時國雍為南

戶曹

農丈人詩集

目錄卷五

三

同張司馬公游茂嶼四首

送吳山人游三衢二首

留別汪禹人三首

王仲律見過與之譚玄別而贈此三首

題逗雲湖

題緯蕭軒

游四明山二十四韻

瀛海曲七解

有序

巡海使者范公即轉浙江右轄賦贈



贈隱君芻公旦

題醉茶軒

歛僧朝海過訪賦此為贈因寄溪南吳氏  
諸故人共四首

農丈人詩集

目錄卷五

四

農丈人詩集卷之五

古鄆余寅僧杲著

瑤池曲三章壽雲間陸大叅母夫人

瑤池安從黜其若蒙鬯經天外宛彤自宮有姥  
都之宜聖容後天而老穆且雛

瑤池安底曾城周時沕瀟爰起迎景及履有姥  
馮之委其似迴旋日月禔萬喜

瑤池安育百珠攸族天柱斯矗上帝曰篤有姥  
眷之見耆鳳章則義問騰九牧

農丈人詩集

卷五

寄贈錢汝瞻侍御

一一

昨日長安塵似土諸公頌洞如哮虎今日長安  
土似塵諸公滅沒成飛燐綺陌香街花幾度猶  
憶當時夢中路一朝顧盼生光輝使我聲名走  
如赴世路悠悠邠復知散盡波濤起烟霧猷有  
從前老布衣不忘摩娑古庭樹等閒萬事煞可  
論姓名何必畫麒麟君家叢桂鬱鬱森聳我亦拂  
石栽脩筠山中流雲坐超忽將雲比髮髮更白  
如此頭顱欲待誰白楊夜夜號西陌荒垆木落



訝猶煖富貴不來空恨晚脉脉銜杯學避人不  
問從他詭偃蹇

集張司馬公山亭

不分湖光駛紛從雨色來殷勤勞白恰次第俯  
青梅苔密親綦履花殷膩酒杯後生饒自喜歡  
伯莫須裁

送沈嘉則

別去窠分明令人不願醒碧梧天一半何限大  
湖青積水明殘日空堤散曙星倉庫端自好早  
農文人詩集

卷五

二

晚傍誰聽

汪惟一携尊落石

懸水絕浮埃天青列障開暫相豪短髮應共倚  
深杯密雨常歸樹輕雲不破苔偶然成俯仰魚  
鳥莫須猜

吳仲實邀同水竹塢

牢落吾方甚沉冥爾更深人情看道路世事憶  
山林挂幘當清沚開尊對碧岑炎歊胡乃甚不  
鮮拂衣心

吳伯舉酌溪上

宛宛坐沙壩長楊漫遠天  
歲人蘿薜裡餉客芟  
荷前風已辭闌闔雲堪老  
偃佺歌成池水綠茲  
意若為傳

谿園同吳仲足賦

曠望一登樓長空莽不收  
日亭千竹午天幕萬  
松秋容與洲前意差池  
物外儔自堪藏赤日何  
用恨淹留

汪長文素梅章集小樓分得雲字

曲農丈人詩集

卷五

三

有友坐宵分清言自不群  
天清放寥廓林白走  
氤氳興羅旋生雨情來直  
造雲南隣富絲竹歌  
吹正紛紛

過錫山悼友人陳貞父

逝矣陳貞父經今又幾霜  
暮潮隨地滿秋草徧  
天長有膽能刺决無髯  
自戟張應多靈氣在夜  
夜燭高岡

錢別肩吾郊外不至詩以速之

稍可湏臾得終然佇望孤  
蒼茫如密雨廓落在



平蕪高鳥披空入浮雲絕上驅青桐當水滴意  
甚為誰都

集屠田叔霞爽閣餞肩吾

不謂王程促相將丙夜追華燈紛旖旎大占任  
支離綺閣明星衆高城朗月遲徑排嚴闥去不  
問主人辭

翁令公邀集陸園賦謝

睥睨前頭景物賒何須題鳳到他家園林韶媚  
知風信水石清芬借月華曉逐鳴騶喧燕雀春

農丈人詩集

卷五

四

日過  
隨飛旆轉衆麻使君盛德如玄酒且放漁陽別

張孺覺邀同陸啟原陪翁令公於蕭園園  
即孺覺尊人司馬公所遺構孺覺加關

馬余於司馬公稱門下士故多感舊之  
語云

司馬丰標蓋代希辟彊園好重追思亭臺此日  
明明在杖屨當年步步隨雲樹臨流相映帶星  
河徹曙有低垂君侯雅自憐名德肯借高軒到

水湄

屠緯真邀翁令公集娑羅園緯真好道得

稱飛瓊

霞霓層疊自逶迤風尚峒窈窕盡榜題問酒有名  
今下若聽歌無恨古前溪一林好鳥啼芳樹五  
夜明星爛大堤曲惺貯將誰得似許飛瓊在萬  
花低

陸啓原邀陪翁令公於湖樓是日雨即事

不量晴雨便稱庖此日湖樓別有娑雲勢轉看

農丈人詩集

卷五

五

成峯律風紋不斷走連漪輞川庄上尋遺跡杜  
曲城南空古陂惟有祠前老蒼栢曾聽蕭鼓夜  
闌時

陸園奉邀翁令公同諸君即席賦

東皇淋氣傍湖來西府名花特地開萬姓喧闐  
齊出戶群公揖讓共登臺從今委巷生顏色自  
古高情屬草萊靈崔揣知人意思不將更點數  
相催

楊叔向邀陪翁令公於樗園分得濛字



使君盛有古人風不許騶徒近楮桐新綠滿山  
俱幕歷繁星在水盡空濛短簫不隔巖花外孤  
艇長迴澗竹中座上何人頻岫憤願將狂簡乞  
山公

張司馬席上留別二首

碧樹引湖濱離歌倚夕曛高天初放月客路歇  
寒雲草綠川原接梅黃節候分愁心芳杜盡不  
忍向君聞

花下暫留歡高堂寶瑟寒老嫵名姓賤貧識道

農丈人詩集

卷五

六

途難汗漫真吾事蹢躅且自安贈言勞大貝珍  
重醉中看

李賓甫招游蕭臯二首

隰隰迤芳洲鱗鱗宛綠疇雲來疑谷口雨絕渺  
江頭蘿薜情何限滄浪意可酬濁醪如此紫萸莫  
不似鴉鳩

霖霖乍烟微流連夕照違偶然江水綠忽溷拂  
人衣是鳥邀歡盡何雲與倦非青棠一萬樹思

殺老漁磯

送李道甫僉憲山東

除目偶然聞量移又到君敢言誰不次竟失汝  
為群歷下來清濟封中起白雲三齊災沴日正  
想藉氤氳

裴太僕省親歸臨汀賦贈

暫輟垂黃寄遙將萼綠輝 帝憐雙白髮詔賜  
與斑衣春雨萌初茁霜潭鯉正肥六時調膳罷  
莫不憶 皇闈

汪長文治具湖堂對菊

農文人詩集

卷五

七

逸興大湖飛蒼茫上白衣地將人共老霜與菊  
初肥遠韻通秋壑幽香散夕扉杯行天漢轉直  
犯啟明歸

全屠田叔李之文林道卿集楊叔向樗園

古樹叢侵閣明河高壓城白蘋洲共遠青雀舫  
初輕病覺酒無力愁知花有情流螢紛箇箇隨  
意拂雕楹

燕坐偶成寄文融

竹日踈踈薄松雲冉冉低裹巾還自岫把筆為



誰題廓落心仍壯  
蹉跎事不迷  
舜江才百里流  
恨水俱西

小憩天童禪院

長庚來寶地  
帝遣護禪闍  
象設虛無外  
玄通窈窕  
窈窕間白雲  
閒在楚  
明月靜於山  
老檜離竒甚  
應知說大還

越州推府陳思進  
按行明州海上諸邑歌

五章

龍節煌煌迴曉日  
瑤旂獵獵捲秋風  
千林雜沓

農文人詩集

卷五

驅山鬼一水分張拜海童

駟徒動地侵晨發  
炬火燒雲竟夜闌  
負弩當先趨縣令  
橫戈殿後擁材官

馮陵一檄山川動  
照耀雙旌草木光  
鳥道天低過伍伯  
鯨波人立送餘艎

黑雕風急千山潤  
白鷗霜高萬落空  
精衛有靈呼列缺  
支祁無計避豐隆

丹筆敢聞屠伯健  
赭衣偏得吉人哀  
吏民明白隴胡去  
父老喧闐額手來

沈嘉則客海陵於高生之往也作絕句寄  
焉凡五首

木脫霜高野戍明天涯白日坐馮陵江南野鳥  
無情甚啼遍長河一夜水

塞鴈能輕海嶠低凍雲重疊不曾迷炎洲此去  
三千里掠水東來隔在西

白髮毵毵映水遙一生長寄木蘭橈蓬萊山下  
深無極聞道年來只及腰

海陵原是舊揚州海水何曾向北流若說邗溝

農文人詩集

卷五

九

當日事幾人親見渡龍舟

後夜長虹下燭溪寒江不動萬峰齊楚天只在  
繁星外一望因君一倍低

傅御史行

有序

傅御史言事得罪詔杖謫戍定海徐給  
事喬李兩御史俱以奔棊貶官三等徐  
信州人與余厚善

傅御史纍綬都官正自此何獨東來汎江記澤  
國荒唐迺泰陰絕與周廬不相似山川呵護縱



有靈已走風塵四千里今人皆言御史好君為  
御史官不保信州給事我友人急難疾於風雨  
蚤喬君李君真丈夫憂來萬事青天孤乃知富  
貴不足有昨日內召今泥塗異豷之神黃帝子  
掌我東海萬年祀歲歲馮夷供肅將玄幢出沒  
波濤駛蛟螭充巨割龜罨當小鮮江脉紛百拜  
窳窳贊大賢焦釜漏無極柱在鴻荒前綠字大  
于斗高頌三山鑄驟爾聞此規直灑君來對之  
何不可爾時溟漲倍往日天吳橫決崩雷疾水  
府茫寒未易尋咫尺吁嗟風又失燭龍之事毋  
爾為又况不在東南陸崑崙使者傳雙翼今年  
未訊扶桑枝勸君且飲東海水勸君且食東海  
禾 朝廷恩數良已多放君白目來蹉跎

惟揚送彭郡博之官

平生拜謁都不有今日殷勤送彭叟茱萸灣上  
水正紅相傳脂水棄隋宮隋家樓殿蠹雲起不  
道當時飛藿似丈夫意氣論鼎鐘偶然量移何  
當榮東京博士盡倚席錚錚誰者今時力臨岐

之意不在酒豈是空然執君手

贈開府中丞劉公

扶桑迤外自風馳武庫勲名世所竒  
山海諸神來受記東南半壁坐分麾  
中黃樞靜前茅遠太白旗高午漏遲  
班劍隊中鏡吹發萬人謠誦萬年私

贈門人郝謙伯孝廉

爾家閩閩家嶙峋寶樹蓁蓁復幾人  
直遡燕山為窟穴真從淮海浴騏驎  
舊時事往猶追賞前

東坡先生詩集

卷五

十一

葦風高欲悵神閭闔正開賢者路  
飛騰何日渡天津

陸啟原叅知邀集湖樓

秘監祠前島嶼迴分將一曲抱層臺  
湖光百丈衝霞起樹色千重帶月來  
繁吹似聞鶯歷亂嚴觴不禁燕喧  
逐夜闌燈火紛如畫狼藉星光滿  
路隈

贈江都陸無從

竹西社裡老明經長闢淮陽問字  
亭自信三年



道易嚼誰憐  
千日酒難醒  
梁鴻屋上雲  
光白高鳳庭  
前雨氣青  
絕喜大兒曾  
拒客蓬頭  
歷齒戶常高

留別社中諸友得斜字二首

又作前征計  
重煩岐路嗟  
壯心猶自許  
快事莫須誇  
古薊高丘沒  
長河故道斜  
偶然多月色  
萬里正平沙

漸覺人群是  
寧知吾道賒  
閭閻無外戶  
天地有重華  
一日肝腸醉  
臨風鬢髮斜  
桑乾河水溢  
聞

農文人詩集

卷五

十一

說萬夫嗟

東歸舟中寄懷周國雍四首時國雍為南

戶曹

人生何用造  
客意自難平  
若久江南住  
吾空冀北行  
功名惟候鴈  
歲月又河檉  
好訊長淮水  
殷勤過石城

夙昔未云已  
蹉跎良可哀  
書無論契濶  
夢有惜徘徊  
星掣手高原  
過雲披巨瀆  
來此時江上  
樹歷

亂為誰開

昨去莎鷄振今來靡草空行行芒碭野徃徃石  
尤風貫酒當誰共耽詩祇自攻一年曾幾日強  
半在舟中

春風欺特甚長路浩何賒底是浮生嬾都無大  
夢誇東標霞氣赤西柄斗文斜何處存知己天  
涯有怨嗟

同張司馬公遊茂嶼四首

寥寥廓高秋淨公泐別墅遙山深長作霧海近不  
通潮歲月寧相假林泉且自驕何須招大隱混  
迹到漁樵

典農文人詩集

卷五

五

綠樹矗青天何山不可憐濯纓秋雨後揮塵晚  
風前返照踈林薄飛流決石泉高樓仍四望處  
處接神僊

何用恣躋攀開門即大觀地盤滄海曲天遠大  
湖寬出日看初浴歸雲擁乍寒山中無俗想魂  
夢自便安

白日傳杯過青山入座看樹頭嵐氣重沙上雨  
聲乾勝事酬猿鶴幽期結蒹蘆因思巢許輩畢



竟是何官

送吳山人游三衢二首

太末山前景物奇，故人西去采江蓠。  
城頭雲氣如鱗甲，猶似當時姑蔑旗。

無數峰巒凝紫烟，無端總入客中憐。  
忽然轉出江郎石，片片飛來墮馬前。

留別汪禹人三首

解后楊州是幾時，即今相見又相離。  
臨岐不醉殷勤酒，空向天涯結後期。

農夫入詩集

卷五

十四

故人何處訊離居，不用題詩并寄書。  
但得在家看白髮，絕勝把手歎躊躇。

當杯不飲欲如何，耐可青天更著訶。  
不是新安酒力薄，年來較得醒偏多。

王仲律見過與之譚玄別而贈此

短牆欲下與葵平，粉籜朝踈露氣清。  
霄半似聞鸞吹發，女貞花底說長生。

聞風使者尺書明，小可威輪萬里輕。  
不是凡情消未盡，何妨結伴市鄽行。

曾共燕山吊慶卿，偶來選石聽流鶯。  
相看剩却頭顱在，霜霰紛紛墮酒觥。

題逗雲湖

底事平湖太劇青，和風和雨屬沉冥。  
輕鷗習習紛相逐，不問人間有醉醒。

題緯蕭軒

日月如山寐莫過，有人別墅歎蹉跎。  
數將籬下閒花朵，不似星星兩鬢多。

游四明山二十四韻

農丈人詩集

卷五

五

澤國高寒氣，秋旻廓落情。  
山經標特勝，仙籍侈多旌。  
凌厲眇三島，遵循隘九瀛。  
剛風鼓蓬勃，朗宿錯經營。  
冥初窅，豁初發，超超嶺欲驚。  
翠濤儲萬斛，紫霧冪千楹。  
瀑迅昨宵雨，雲乾此日晴。  
祥羊愁蹶躡，俊鷗快縱橫。  
珞球開屏勢，琮瑤引吹聲。  
八紘真汗漫，五岳浪鏗鏘。  
自作擔簦去，難論戴釜征。  
葛洪原有約，禽慶獨何名。  
孤嘯神霄半，雙眸大海平。  
華旛通太乙，黎杖倚長庚。  
鳩鵲遙相唳，鷓鴣午乍鳴。  
青菁炊作餉，白襪裹為程。  
喜劇



歎氛絕驕多袷袂輕紆行蛇出谷小坐雁分坪  
矯首徇靈塔綠袂聳化城芝童紛出矚毛女恍  
來迎許寂劍何往劉綱榭已傾荒荒都信足默  
默但盱衡猶隘窻中在何時海外盟倥豐應只  
尺薦我以雙瓊

瀛海曲

瀛海曲者古水調歌蓋舊譜也近多新  
詠任丘憲伯劉公古德醇嫻百福具臻  
既偕吾伯母氏稱大耋矣長公 東朝

農丈人詩集

卷五

師友次公開府海上東人食其實不佞  
甯獲在世講之未謹援之以作頌焉夫  
風人意得即倚興為屬倚屬為賡何復  
津域之云凡七解

人世如流霜飛黃越其阻人世如流霜飛黃越  
其阻至人長嘯隘中區別有天地開鴻宇舉袂  
稍回旋蓬壺渺洲渚朝飢風實暮殮雲子一鼓  
瑤華音瞬息已千紀歌以言志飛黃越其阻一  
解  
何時登閬風來自崑崙墟何時登閬風來自

崑崙墟霞舉從湯谷並轡以望舒睢盱一氣內  
婆娑此焉胥呼雙成命拂舞顧飛瓊使右軒屏  
辟萬慮渾肫本初歌以言志來自崑崙墟二解  
皇天偶相付寄命勤斯人皇天偶相付寄命勤  
斯人秉麾此一方所至揚景芬榮光滿河洛五  
老稱主臣大信原不假鳳凰儀吾仁稚子何所  
狎狎彼陌上鷦歌以言志寄命勤斯人三解  
矯矯人中龍濶視九州外矯矯人中龍濶視九州  
外人亦有言敢不自瑞駟馬高蓋使心不泰萬

鍾之祿視如鉗鈇達人所憂在彼綠緌太息東  
門折此左轄群真遲我於河之次優哉游哉聊  
以永歲歌以言志濶視九州外四解聚窟渺何  
許鳳麟以萃止聚窟渺何許鳳麟以萃止扶輿  
鍾淋清報既有異采明廷揚紫芬頓首贊喜起  
煌煌秉黃鉞東來靖滄海一姓無兩雄可以叅  
元愷歌以言志鳳麟以萃止五解扶輿日東出  
八年作我樊扶棗日東出八年作我樊赤斧從  
天來萬里風雲屯精彩在大旗鯨鯢不敢翻漲



海盡安瀾功比銅柱尊嗟汝橫目民食此誰當  
恩歌以言志八年作我樊六解太行無終極透  
迤如大年大行無終極透迤如大年勝器保貞  
吉契合象帝先道要已銓總樞機通上玄光塵  
不可挹彷彿見華顛允哉百世師寥絕空雲烟  
歌以言志透迤如大年七解

巡海使者范公即轉浙江右轄賦贈

開牙未久意何其龕楮門高日下遲

聖主不教更別鎮東人何用怨離思指麾已借

農文人詩集

卷五

十八

風雲力談笑聊分出納司怪道扶桑多氣色海  
陬應見大儒為

贈隱君葛公旦

青桂如屏覆綠苔龍丘萇住越山隈少微星自  
天中見大隱風從海上迴珍重祇看櫛耳劍沉  
冥長傍巨羅杯自憐此足無伸處誰為先生製  
履來

題醉茶軒

何事堪排老崛強津津紫笋可禁當鳩藝欲報

雷時節贏得錙伶鍾裏腸

鼎鑪脉脉意何窮煬突摩娑問阿翁此際風前  
鏡如意糝糊不辨向誰雄

歎僧朝海過訪賦此為贈因寄溪南吳氏  
諸故人共四首

白雲何事擁袈裟消息直傳一樹花聞說如來  
曾現相幡幢千隊向誰賒

田大門中證若何慈悲不惜向龜巖慧光偏在  
滄波上著地拈香右膝多

農丈人詩集

卷五

十九

春風無處問蹉跎千日相思一日多記得豐干  
溪上水垂楊百尺不生波  
故人都在碧雲端谿路遭迴一萬盤馮着君家  
三昧力夜來飛夢不曾難



農丈人詩集卷之六

目錄

送吳叔嘉游天台二首

畫松歌壽南大司寇趙公

贈毛處士

積雪示田叔

題方山人寄齋

送同年顧叔時謫判桂陽二首

讀騷軒聞鴈二首時余將北上

農丈人詩集

目錄卷六

將之秦與馮用韞太史言別

衛河龜坼艇不得進者五日有懷用韞

潞河却寄陸敬承馮用韞二太史二章

有序

登夜移巘同少司馬范公賦

送人之荆

將之廣陵與嘉則言別

送王司教之丹陽

陸園代述

游天童寺

瓊瓏巖

全張方伯助甫陳大叅王叔萬駕部伯脩  
傅明府俊伯梅克生莫廷韓黃定甫孝  
廉朱汝脩太醫集盛泰甫宅分得文字  
送泰甫東歸凡三首時泰甫將母行故  
末章及之

輓大司馬東沙先生七首

藍田道中二首

商州道中二首

農文入詩集

目錄卷六

二

鎮原道中

五月初三日本生考贈都水府君諱日帳  
怛不能為懷時駐校慶陽

贈觀察原公備兵昌平四首末訊同年董  
雄可

關中送少叅李君赴調粵藩四首往嘗與  
君同官工部

東歸至睢時余已請告余友周啟明迂道

來晤因作長句為別



送定南章令

姜子幹見過與之小酌子幹灑水人客寓  
錢唐與余睽隔已十幾年念往悼時漫  
復爾爾

子幹再過齋中

客有携尊過余山亭者再邀子幹過之

贈子幹

送子幹還錢唐無訊顧侍御青嶼先生

送汪伯玉少司馬北上六首

農丈人詩集

目錄卷六

三

次韻答包九丈病中見訊

贈唐仁卿客部得告還粵時余官膳曹

集楊叔向樗園

癡絕一首示文融

過洋河吊戚姬土人傳姬乳名洋洋

明皇由褒斜入蜀

白水江絕句四首江之北即蕭相國追淮

陰侯處

維揚送高孝廉子登歸四明三首

劉叅戎奉檄之錢唐徃其尊人死事關中  
故末章及之

京口曉發

入沔懷孔明先生

燕邸屠緯真同入覲諸君小集限韻

與周國雍言懷

鄭山人追談朔方幕府諸勝事因敘之篇

詠

花燭詩一律贈楊玄度年姪新婚

農丈人詩集

目錄卷六

四

贈相者翁生二絕

一枝

聽歌

次韻戲谷魏茂權奉常

棧道聞子

讀書阿育王寺觀見玉几山



農丈人詩集卷之六

古鄆余寅僧杲著

送吳叔嘉游天台二首

大觀觀無始小觀觀樊樾濶達信所矜瞥然厲  
高楊舉足隘十洲俯仰成超忽登頓豈不疲要  
以渙神發至賞充冥靈無寧爽毛髮儻逢混沌  
子朝暮坐相索執跡絕世馳曠與寒廓別閉戶  
差可喜曲局空自兀

其二

農丈人詩集

卷六

儒有握琅玕不給蚤暮餐儒有佩菴蘭不抹衣  
囊單拊關誠跼踏出門又艱難言貴有寬律貧  
賤無怨端撫躬重獲落攝志左嶠岫含意皦白  
日敢競他人歡命豈平世仇理或名山刊矯首  
一相送戒之慎汜瀾

畫松歌壽南大司寇趙公

往時畫松數巨然別生曠逸層嵒巔于雲矗日  
鶩風烟仰看嚴重俯稜巖如從太古相周旋後  
來墨本差堪假携將高頌尚書履尚書蠲潔平

如砥一時國是賴綱紀三千年前周家梓果然  
夢到丁固氏桂宮栢寢紛蒙社黑頭宰相伊誰  
獨公乎猶自滯南服大象逶迤肅陞盾元氣冲  
融彌海瀆臣髮未白心如木高廟神靈如轉  
燭照臣不遺臣隱伏上枝軋龍下琥珀焉有大  
物不芬郁摩汝頂酌汝脂艾納香飄晝日遲好  
去長淮祝萬禧

贈毛處士

憶昔與君同研席當時曹耦稱無敵白駒倏忽

農丈人詩集

卷六

走崦嵫不借扶搖送飛越獵獵雄心詫螭魚拂  
衣便解諸生籍人生適意竟何物安用銀章與  
金埒古來放達直等閒不與造化爭尋尺以此  
知君蕭灑徒扶杖行歌聊自咄誰者雲蒸意氣  
豪又誰蓬累見突兀顛君大斗日斟酌秫田歲  
釀三千石

積雪示田叔

積雪閉重門孤燈對旅魂俗情卑獨行國事劇  
煩言夢逐青山遠愁從白髮繁小奴驚唿讌忽



忽不成論

題方山人寄齋

冷風難便御神霧更誰乘  
生世真如寄何人骨  
似僧風塵雙脫屣  
天地一橫肱  
只有偏提在朝  
昏老自憑

送同年顧叔時請判桂陽二首

累月霾如積連天慘不揚  
蓋臣初去國 明主  
正垂裳萬事都蒼莽  
千秋敢崛強祇應無一字  
默默渡清湘

農文入詩集

卷六

三

天意竟難窺公評屬阿誰  
總來溫室樹多是萬  
年枝大別倉皇見小孤  
寂莫隨寵靈那可藉萬  
一是馮夷

讀騷軒聞鴈二首時余將北上

白月下空庭蕭蕭旅鴈聲  
霜天高不極萬里正  
含情北上吾猶晚南來  
爾歎輕黃花并濁酒不  
覺壯心驚

何處得征鴻高齋坐晚風  
一聲江露白海樹不  
知紅片石婆娑外孤雲  
睥睨中有懷都不隱歡

喜故人同

將之秦與馮用韞太史言別

豈不顧朝夕其如簡命新君才雄北土吾意急  
西人分外語言別就中意氣真高雲與杯酒前  
路見嶙峋

衛河龜坼艇不得進者五日有懷用韞

榜厄此河中無由縮地通相過曾輦下不遠只  
墻東憔悴看靡草蹉跎想候蛩驚心當此日君  
意倘相同

東野先生詩集

卷六

四

潞河却寄陸敬承馮用韞二太史二章有  
序

余之秦中二太史出祖宣武門乃不言  
別而言他大多拂臆劇甚徃儕未及  
言會有造蓬可謂或鼓或罷且置且歎  
送客謂何曉人乃爾可忘此日輒寫斯  
章

章

何事怨清尊驅車正國門機忘千日洋情至一  
時煩白日行天速黃河徹地渾與君分袂意原



不在多言

颯颯故難禁風來拂斷鐔  
人不與論前歲到如今  
誰遣填滄海終疑化鄧林  
酒杯都在手綠箇只襟吟

登夜移巘同少司馬范公賦

何物削初成崐崙一夜平  
大江扶日上萬里挾風輕  
下界波濤濶高天沆瀣清  
不妨幽籟發孤嘯使人驚

送人之荆

率爾成離別悠然下漢沔  
妬人天地小傍客水雲多  
山盡空舸峽江連大馬河  
在家何必好年髻揔蹉跎

將之廣陵與嘉則言別

楓落霜黃噪暮鴉扁舟江上使人嗟  
風塵何處能容我天地無情不問家  
古渡秋風聽玉樹荒臺落日訪瓊花  
那堪分手長洲苑目送征鴻天一涯

送王司教之丹陽

零雨如膏霖霖平句餘江上灑文旌誦通俸只  
仍三釜掌固官曾到九卿消夏灣前津柳動葳  
春塢裡豎花明椒漿儻為延陵設慷慨應從蔓  
草生

陸園代述

彩騎翩翩陌上雄追思錦里舊時風蕭條歷世  
施行馬慚媿今朝學冥鴻蒼翠欲流山靄重溟  
泓不散渚烟空醉來徙倚看花發雲自芬敷水  
自融

農丈人詩集

卷六

六

游天童寺

石關迢遞鎖天童日月雙迴大地空壁絕片雲  
蔽古刹秋殘高葉下長風一時苦行頭陀去十  
里青山太白雄傳鉢到今如大夢莫須功德水  
來通

靈壠巖巖在天童寺舊傳觀音現相嘗於

池中見之

石氣蒼茫拂紫烟白衣高照是何年誰懸綺戶  
遙天外曾幻金身渌水前繞樹瞻依神八萬拈



花接引路三千爾時只作尋常看人鬼天龍盡  
惘然

全張方伯助甫陳大參玉叔萬駕部伯脩  
傅明府俊伯梅克生莫廷韓黃定甫孝  
廉朱汝修太醫集盛泰甫宅分得文字  
送泰甫東歸凡三首時泰甫將母行故  
末章及之

惜別當春半催詩正夜分天邊一以送冠蓋盛  
為群投老思鄉縣携貧到海濱所憐業桂好不

農文人詩集

卷六

七

是為移文

品流還我輩突兀借人羣誰惜長安米言追龔  
上耘能歸良已得既隱不須文安敢輕相約重  
來看五雲

有母時時老無兒歲歲聞向來都在念此去復  
何云山峯勾螺黛江恬細穀文為君頗慰藉一  
路指鄉雲

輓大司馬東沙先生七首

翔氣嗟何勁高雲憐不揚典刑真厚賴降割大

非常地遂東南薄天仍日夜蒼傷心看北斗一  
一為低昂

滄海洪濤絕空巖紫電起山川靈氣盡宇宙大  
名垂皇路勞長畫騷壇把獸麾晚來追睿聖不  
忘柳之詩

有警皇陞謚無年赤子康當時三蜀地真稱百  
夫防姓字間方著經綸老更長可憐千歲栢催  
賜作黃腸

世廟明如鏡中承覆在盆六軍歸跋扈一疏雪

農文入詩集

卷六

沉寃士少披肝地人多次骨論誰能甘斧鑕萬  
死立軋坤

茂齒熙明代初衣寂莫時永言垂白事不了殺  
青期素業星河爛高標陸海馳名山多副草日  
月為雙持

痛哭酬神理煩寃積素襟指心雙白髮灑淚萬  
黃金暖律吹猶淺繁絃奏更深西州門下路不  
忍重相尋

燕喜喜長無恙龍光盛有儀雅懷深領袖高義急



茆茨暮雨歌山趾春風醉水湄  
哀哀鈴唱發併入短長思

藍田道中二首

山似含嘔水似嗟漢家纜過又  
唐家行人不解興亡事笑指山  
桃又發花

縣家續食摠能頻十筍苗壑九  
筍芹窺着隸人休竊笑前生原  
是竺蘭身

商州道中二首

右邊絕壁削嵯峨左側懸崖萬  
仞多展足苦無

農丈人詩集

卷六

九

寬地面剛留尺許放人過

馬煩車怠又黃昏且趁山衙早  
閉門嶺脚擊梆人怯虎嶺頭抄  
案吏調猿

鎮原道中

雨如飛汗土如頤縱得炎風不  
受吹輿裡有人稱困頓不知輿  
外渴多時

五月初三日本生考贈都水府  
若諱日悵怛不能為懷時駐校  
慶陽

年年角黍一傷悲若箇籠前灑  
掃兒對着青天

渾不語五千里外血如絲

贈觀察原公脩兵昌平四首

末訊同年董雄可

名花無數倚前楹宛似當時怯舞情莫道故人  
輕遠別沉香亭上送君行

神京北去是昌平玄武旗高日夜明未到虜人  
先嚙指不須更問古長城

九陵霜露又臨期憶得當年扈駕時從此勾陳  
帝作衛松楸都是萬年枝

董生來去竟誰將今日相思不可量携得蓮花

農丈人詩集

卷六

十

峰上月知君滿路有輝光

關中送少叅李君赴調粵藩四首往嘗與

君同官工部

景龍池上唱驪歌綠樹千章靜不波原是君家  
舊臺館傷心偏傍夕陽多

花蔓樓荒礎尚存山燐野燒蝕苔痕請君認作  
醒酒石聊為須臾駐短轅

玄武曾分幾日曹無多燕市揖鞭高三秦亦是

優游地又領新符渡虎牢



莫道蠻方舊不賓，山獠水蛋總吾人。  
騎羊仙令家落為遺華旛，到海濱。

東歸至睢時余已請告，余友周啟明迂道來晤，因作長句為別。

周郎一見笑不下，自多黑髮驕相詫。  
亦有肴核曾錯陳，午時起坐當時罷。  
憶昔握別都門時，我髮亦鬢如君緇。  
驅逐風塵忽幾年，繫霜不禁成素絲。  
風塵妬人已如此，安能更向風塵死。  
所以陳情叩九閭，黃衣聖人定吾是。  
睢州城外誰

農丈人詩集

卷六

十一

家園對此不醉誠，煩冤昨日繁陰密。  
如幕今朝墮葉凌秋原，君不見此地從來多舊跡。  
烏巢曲棘相隨籍，更有帝丘名宦間。  
欲往尋之如鬼蹠，豪華滅沒等烟雲。  
况乃么麼徒紛紛，前頭縱有景光在。  
安能使我心如焚，聞君為我轉匍匐。  
迂途特走葵丘驪，嗟嗟此意良可繹。  
不自當年號莫達，何必臨風浮大白。

送定南章令

廣漠風高倏何發，層冰不避幙高揭。  
只難長河

涉大江迎來章貢時雙君家闕閔盛如此到  
君又覩前人紫銅印鑄來才十秋萬人元吉界  
新侯虔州今日稱樂土不用倉皇忌虎頭

姜子幹見過與之小酌子幹潑水人客寓  
錢唐與余睽隔已十幾年念往悼時漫

復爾爾

已分蓬蒿謝此身豁然耳目為君新出門一步  
非吾事頌酒千年正此辰徃徃波間傳得信明  
明物外結為隣無端忽作淋漓態不覺驚人語

農丈人詩集

卷六

十二

又頌

子幹再過齋中

看君浩蕩在雙眉不展雙眉不是悲鼎內大丹  
猶恍忽手中如意且支離兵厨已自勞相乞鼓  
吏如何不可為君自醒醒吾自醉寒星幾點為  
誰施

客有携尊過余山亭者再邀子幹過之

相知何必恨淹留相守誰曾到白頭雨溢霜鍾  
山不度雲沉風遂水空流雄心好向何人是生



計堪於若處謀稔阮不來君不逝蕭齋原自號  
忘憂

贈子幹

姜肱磊落自無求一片閒情付白鷗豈謂姓名  
猶足駭敢希顏色偶然優穰冠長戴蹉跎恨崩  
劍空携莽蕩愁眼底鷺紛花外盡布衣原不藉  
封侯

送子幹還錢唐無訊顧侍御青嶼先生

采采江花送夕曛停杯不語自氤氳身依黃葉

農丈人詩集

卷六

十三

淹蕭寺手拍寒潮憶細君高閣霜空孤鴈過大  
江秋色片帆分落英猶恐多狼籍顧野王前不  
敢聞

送汪伯玉少司馬北上六首

文武推昭憲華夷總令裁詔書清九域禮數絕  
三臺廟枯敦周曆天聲軼漢才大旗雙日月今  
古論崔嵬

宵旰勞 天子君胡不鞠躬文章足用世拍顧

便生風下檄蚩尤伏前茅太白雄折衝今日事

那得歎孤忠

名以栖遲老身從感槩輕星辰隨北走江海接  
天平次第看吾主從容咨爾卿壯心應不負  
况乃正論兵

虜障何曾息天兵自罪圍一時持廟論群口贊  
戎機月避高幢肅風旋練甲飛只今周召虎稽  
首暢皇威

久已推神駿應多格上台山河終借力兵甲始  
論才廟筭臣何有夫聰帝自開履聲聽不盡

農丈人詩集

卷六

十四

併入水蒼來

世道誰將力江河故不禁踈狂寧假舌醉劇更  
開襟財賦終輸鬼臣工盡鑄金漢庭無賈誼今  
日涕方深

次韻谷包九丈病中見訊

安敢釋高臣取因憩小廬清風殊不意楚楚數  
行書谿雨從消息山雲自起居不勝歎流水門  
外短轆車

贈唐仁卿客部得告還粵

時余宦臈曹



我已慙閒局君應稱倦游非熊原偶值神爵  
輕留心遠思恬退名高敢浪憂正逢瓜蔓水好  
去放孤舟

集楊叔向樗園

何地足婆娑朱欄映碧波江聲通睥睨野色引  
坡陀風至便吹籟雲來襯踏莎啟明不解事兀  
自曉光多

癡絕一首示文融

霜影無端白烟叢有意青湯將閒歲月強作老

農丈人詩集

卷六

十五

娉婷苦縣人難遇淮門淚易零生來癡絕甚肯  
使一朝醒

過洋河吊戚姬土人傳姬乳名洋洋

洋河河畔吊洋洋山水無情總斷腸蝴蝶不知  
人世恨刺梅叢裡度餘香

明皇由褒斜入蜀

風雨無端送出畿棧雲邱樹不勝疑銀鐙驛路  
鈴音動只有黃旛綽自知

白水江絕句四首

江之北即蕭相國追淮陰侯處

褒谷中間下馬尋追亡一事在碑陰英雄已逐  
飛埃盡何事江流咽不禁

上帝茫茫后土長曾看白日指肝腸未央宮裡  
可憐事不願真王願假王

山河帶礪本非真絳灌如何不足倫眼底赤松  
明白在惜君不是箇中人

當時一飯亦曾論難道封齊不是恩代馬嘶風  
跑躄甚可憐三族竟沉寃

維揚送高孝廉子登歸四明三首

農文人詩集

卷六

十六

淮海茫茫日夜馳春潮如恨復如疑君今南去  
看明月得似長安並轡時

青雀雙雙指故鄉那知分手在維揚平生涕淚  
如珠玉今日江頭灑萬行

金城山上足蹉跎絕壁千尋掛薜蘿一入沈寥  
風雨後滿天蒼翠為誰多

劉參戎奉檄之錢唐往其尊人死事閩中

故末章及之

西風獵獵捲旌旗左跨蒼虬右赤螭一片大江



秋色淨青天萬里蹴揚塵

海門日夜吼神鼉頃刻山來雪似多列校如雲  
分隊出瑠戈鍊羽亂濤過

五雲山上好披襟手捋黃鬚撫劍鐔原是羽林

孤豎子煌煌七尺 主恩深

京口曉發

鐵甕憑為宅金焦控作關沙平黃葉下潮穩白  
鷗還星動千家市霜清兩岫山南朝曾駐蹕天  
仗雜花殷

農丈人詩集

卷六

十七

入沔懷孔明先生

赤坂竟何許黃屯業已空偶經江浩蕩因嘯古  
英雄鼓角陰嵯動精靈野戍通平生一腔血灑  
盡永安宮

燕邸屠緯真同入覲諸君小集限韻

夙尚嬾猶取中懷醉欲繁風塵看競爽北斗正  
孤翻解逅同京輦殷沅切帝垣夜分霜氣烈誰  
挾二毛尊

與周國雍言懷

不借詩為况其如計轉窮此中堪自遣何道別  
稱雄馬滂浮名起鴻毛往事空皇天殊未已不  
敢怨秋風

鄭山人追談朔方幕府諸勝事因敘之篇

詠

元戎號令肅於霜大纛高懸抱日黃曾借白衣  
銀海上能令開府意加長篋篋雨集周游館蹴  
踞風迴校獵場想憶諸酋膜拜處萬山峯律路  
微茫

農丈人詩集

卷六

十八

花燭詩一律贈楊玄度年姪新婚

玉璫宛轉抱春來寶帳腫朧向晚開綠綺聲中  
雙敲發青蓮漏下幾枝催星低紺憶鮮雲度風  
拂瑠房滿月迴衿帶煌煌多氣色共誇僊子下  
蓬萊

贈相者翁生二絕

白頭已謝少年癡躍馬長安敢自期且放尊前  
雙慧眼殷勤好與醉紅兒

難說雄心已盡消一回聽罷一回驕如今若箇



乾坤手慷慨風前不可聊

一枝

一枝袅娜自春深曾向風前力不任怪殺朱絃  
淒切甚隔花傳得白頭吟

聽歌

聽歌如斷又如聞彷彿筵前度彩雲銀燭燒殘  
教再續今宵難說為將軍

次韵戲答魏茂權奉常

五步君何疾徘徊孔雀兒想應悔齋勅流盼故

農丈人詩集

卷六

一九

移時

棧道聞子規

鳥道側於天客情無處說只有子規聲山山不

曾歇

讀書阿育王寺顧見玉几山

玉几插漢高其上平如掌白羽雲中搖獨來還

獨往

農丈人詩集卷之六

書記周禮寫

